

სურსათის ეროვნული სააგენტოს მიერ 2019 წლის სახელმწიფო მიზნობრივი ქვეპროგრამების „ცხოველთა ჯანმრთელობის დაცვა და იდენტიფიკაცია-რეგისტრაცია“-ს და „ვეტერინარული პრეპარატების სახელმწიფო კონტროლის“ ფარგლებში შესყიდვების განსახორციელების მიზნით შექმნილი სატენდერო კომისიის სხდომის

ო ქ მ ი №1

ქ. თბილისი

2019 წლის 23 ივლისი

სხდომას ესწრებოდნენ: დემნა ხელაია - კომისიის თავმჯდომარე
გიორგი იაკობაშვილი - კომისიის წევრი
ვასილ ბასილაძე - კომისიის წევრი
თამარ ჯავახაძე - კომისიის წევრი
იოსებ მენთეშაშვილი - კომისიის წევრი
გერონტი ფრუიძე - კომისიის წევრი
ფრიდონ ალავიძე - აპარატის წევრი

სხდომას არ ესწრებოდა: დავით გოდერძიშვილი - მივლინებაში ყოფნის გამო

დ ღ ი ს წ ე ს რ ი გ ი :

მსხვილფეხა და წვრილფეხა პირუტყვის თურქულის საწინააღმდეგო ვაქცინის (CPV:33651690) შესყიდვის მიზნით, ელექტრონული ტენდერის გამოცხადების შესახებ, ერთიან ელექტრონულ სისტემაში გამოსაქვეყნებელი განცხადებისა და სატენდერო დოკუმენტაციის განხილვა-დამტკიცება

კომისია გაეცნო ვეტერინარიის დეპარტამენტის მიერ წარმოდგენილ, მსხვილფეხა და წვრილფეხა პირუტყვის თურქულის საწინააღმდეგო ვაქცინის (CPV33651690) შესყიდვის მიზნით გამოსაცხადებელი ელექტრონული ტენდერის დოკუმენტაციაში შესატანი ტექნიკური დავალებისა და სატენდერო განცხადების პროექტებს, რომლებიც შედგენილია „სახელმწიფო შესყიდვების შესახებ“ საქართველოს კანონის მე-12¹ მუხლისა და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების მოთხოვნათა შესაბამისად.

კომისიამ იმსჯელა შესყიდვის სავარაუდო ღირებულების განსაზღვრის პრიციპებზე. აღინიშნა, რომ სურსათის ეროვნულმა სააგენტომ, 902 500 დოზა ვაქცინის შესყიდვაზე, 2019 წლის 21 ივნისს გამოაცხადდა NAT190012325 ელექტრონული ტენდერი, რომელშიც ერთი დოზის შესყიდვის სავარაუდო ღირებულება განსაზღვრული იყო 0.75 ლარით. აღნიშნული ტენდერი არ შედგა. ტენდერის აღნიშნული შედეგით დასრულების შემდეგ, სააგენტომ ჩაატარა ფასის კვლევა, რომელში მონაწილე კომპანიებმა - შპს დრუნჩამ და შპს მეგავეტმა, შემსყიდველს ერთი დოზა ვაქცინა შესთავაზეს 1.00 ლარად. კიდევ ერთმა კომპანიამ, შპს AHS-მა, განაცხადა რომ ვერ შეძლებს ვაქცინის მოწოდებას. სატენდერო კომისიამ მიზნშეწონლად მიიჩნია სავარაუდო ღირებულების განსაზღვრისას გაითვალისწინოს ეროვნული ვალუტის აშშ დოლართან მიმართებაში კურსის ცვლილებები. აღინიშნა, რომ თურქულის საწინააღმდეგო ვაქცინის ბოლო შესყიდვა განხორციელდა 12.02.2019-ს გამოცხადებული NAT190003174 ელექტრონული ტენდერის ფარგლებში (1 დოზა - 0.75 ლარად). სატენდერო წინადადება აღნიშნულ ტენდერში პრეტენდენტმა განათავსა 22.02.2019-ში და მოცემული თარიღისთვის ეროვნული ვალუტის კურსი იყო 1\$=2.6570ლ, რაც ნიშნავს, რომ 1 დოზა ვაქცინის ღირებულება შეადგენდა დაახლოებით 0.2822

დოლარცენტს. დღევანდელი მდგომარეობით, კურსი შეადგენს $1\$=2,8831\text{ლ}$, რაც ნიშნავს იმას, რომ 0.2822 დოლარცენტის ექვივალენტი ლარში დღეისათვის არის დაახლოებით 0.8136 ლ.

ყოველივე ზემოაღნიშნულიდან გამომდინარე, სატენდერო კომისიამ მიზანშეწონილად მიიჩნია შესყიდვის სავარაუდო ღირებულება განისაზღვროს 1დოზა - 0.82 ლარით.

კომისიამ დაადგინა:

1. შესყიდვა განხორციელდეს ელექტრონული ტენდერის საშუალებით აუქციონის გარეშე.
2. შესყიდვის ობიექტია - მსხვილფეხა და წვრილფეხა პირუტყვის თურქულის საწინააღმდეგო ვაქცინა - 825 450 დოზა.
3. შესყიდვის სავარაუდო ღირებულებად განისაზღვროს - 676 869 ლარი.
4. სატენდერო წინადადების ფასის კლების ბიჯი განისაზღვროს - 5000 ლარით.
5. დამტკიცდეს სატენდერო განცხადება და დოკუმენტაცია ოქმზე თანდართული ფორმით.
6. სატენდერო კომისიის აპარატს დაევალოს სახელმწიფო შესყიდვების კანონმდებლობით გათვალისწინებული პროცედურების განხორციელება.

კომისიის თავმჯდომარე

დემნა ხელაია

კომისიის წევრები:

გიორგი იაკობაშვილი

ვასილ ბასილაძე

თამარ ჯავახაძე

იოსებ მენტეშაშვილი

გერონტი ფრუიძე

აპარატის წევრი

ფრიდონ ალავიძე